

02-06-2016

1020.  
Na osnovu člana 1. Stav 1. tačka 2. Zakona o principa lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 25. Statuta Općine Centar Sarajevo i Odluke o izvršenju Budžeta Općine Centar za tekuću godinu, Općinski načelnik donosi

## PRAVILNIK

### O RASPODJELI SREDSTAVA ZA DODJELU NOVČANE POMOĆI RVI 100%, 90% i 80%

#### KORISNICIMA TUĐE NJEGE I POMOĆI

#### Član 1.

Ovim pravilnikom uređuju se kriteriji i način dodjele novčane pomoći, RVI 100%, 90% i 80% korisnicima tuđe njega i pomoći.

Ratnom vojnom invalidu kome je utvrđena potpuna nesposobnost koja je nastala usljed povrede glave a koji je vezan za postelju mjesečna novčana pomoć pripada u iznosu od 300,00 KM.

Novčana pomoć u iznosu od 200,00 KM mjesečno pripada ratnim vojnim invalidima:

- 100% I grupe sa ortopedskim dodatkom I stepena i tuđom njegom i pomoći I stepena,
- 100% kod kojih je izvršena amputacija oba ekstremiteta i imaju tuđu njegu i pomoć i ortopedski dodatak,
- ratnim vojnim invalidima 100%, 90% i 80% kod kojih je utvrđena tuđa njega i pomoć sa ili bez ortopedskog dodatka kojima je usljed težeg moždanog udara došlo do posljedica trajne oduzetosti dijela tijela a što je utvrđeno nalazom Instituta za medicinsko vještačenje zdravstvenog stanja.

Novčana pomoć u iznosu od 150,00 KM mjesečno pripada:

- ratnim vojnim invalidima kod kojih je izvršena amputacija jednog ekstremiteta i imaju tuđu njegu i pomoć i ortopedski dodatak,
- ratnim vojnim invalidima kojima je usljed lakšeg moždanog udara došlo do posljedica oduzetosti dijela tijela, nastupilo sljepilo i slično.

Član 2.

Pravo na novčanu pomoć mogu ostvariti lica navedena u članu 1. ovog pravilnika ukoliko imaju prijavljeno prebivalište, odnosno boravište na području Općine Centar.

Pravo se ostvaruje mjesečno.

Član 3.

Isplata novčane pomoći vrši se putem tekućeg računa korisnika.

Član 4.

Sredstva utvrđena na ekonomskom kodu 614200 – transferi pojedincima ratnim vojnim invalidima 100%, 90% i 80% korisnicima tuđe njege i pomoći, raspoređuje Općinski načelnik zaključkom a na prijedlog Službe za boračko-invalidsku zaštitu (u daljem tekstu: Služba) u skladu sa utvrđenim kriterijima.

Član 5.

Za korisnike koji ispunjavaju uslove po ovom pravilniku a koji su naknadno ostvarili pravo na tuđu njegu i pomoć isplata će se izvršiti po obezbjeđenju sredstava u Budžetu.

Član 6.

Za korisnike mjesečne novčane pomoći rješenja će biti izdata po službenoj dužnosti u skladu sa ovim Pravilnikom.

Član 7.

Ratnim vojnim invalidima sa 90% i 80% invaliditeta korisnicima tuđe njege i pomoći kojima je obustavljena isplata mjesečne novčane pomoći dana 01.01.2016. godine a koji ispunjavaju uslove po ovom pravilniku, sredstva će se isplatiti od 01.01.2016. godine.

Član 8.

Ovaj pravilnik stupa na snagu narednog dana od dana objavljivanja na oglasnoj ploči Općine Centar Sarajevo.

Stupanjem na snagu ovog Pravilnika prestaje da važi Pravilnik o raspodjeli sredstava za dodjelu novčana pomoći RVI 100% invalidnosti broj: 09-41-8/16 od 29.01.2016. godine.

Broj: 10-09-41-8/16

Sarajevo: 02.06.2016. godine

